

SAKSPAPIR

Saksnr	Utval	Type	Dato
	Formannskapet	PS	
068/20	Heradsstyret	PS	23.09.2020

Saksbehandlar	ArkivsakID
Runar Ludvigsen	20/2259

Adgang til å halde fjernmøte i folkevalde organ

Rådmannen sitt framlegg til vedtak:

«Møte i heradsstyret og andre folkevalde organ kan haldast som fjernmøte i samsvar med reglane i kommunelova § 11-7, dersom fysisk møte ikkje er mogleg og/eller ikkje kan gjennomførast på ein forsvarleg måte.»

Heradsstyret - 068/20

HS - behandling:

AVRØYSTING

Rådmannen sitt framlegg vart samrøystes vedteke

HS - vedtak:

«Møte i heradsstyret og andre folkevalde organ kan haldast som fjernmøte i samsvar med reglane i kommunelova § 11-7, dersom fysisk møte ikkje er mogleg og/eller ikkje kan gjennomførast på ein forsvarleg måte.»

Saksopplysningar:

Saksopplysningar:

Bakgrunn

Grunna situasjonen og vedtatte tiltak for å hindre spreiding av Covid-19 i begynnelsen av mars, fastsette regjeringa den 13. mars 2020 ei mellombels forskrift som skulle lette gjennomføringa av fjernmøte i kommunar. Forskrifta vart oppheva 1. august 2020. Forskrifta vart ikkje forlenga då departementet meinte at den vide adgangen til fjernmøte i kommunelova § 11-7 er tilstrekkeleg for at kommunene kan benytte seg av fjernmøte i tida framover. Dersom smittesituasjonen endrar seg, kan det på nytt vurderast nye tiltak med unntak frå lova slik som det vart gjort i mars 2020.

Kontrollutvalet har bede om at det vert gitt løyve til fjernmøte for sitt vedkomande, og rådmannen finn då at om ein vil opna for dette, bør det også gjelda for andre folkevalde organ.

Heradsstyret er det øvste politiske organet i kommunen og har vedtaksmynde i alle saker om ikkje anna er fastsett i lov.

Etter kommuneloven § 11-7 kan kommunene nytte seg av fjernmøte i tidan framover sjølv om forskrifta ikkje vart forlenga. Forutsettinga er at kommunestyret vedtek adgang til dette.

Etter kommuneloven § 11-7 andre og tredje ledd går det fram følgjande:

«Fjernmøte innebærer at deltakerne ikke sitter i samme lokale, men at de via tekniske hjelpemidler likevel kan se, høre og kommunisere med hverandre. Kravene som ellers gjelder for møter, gjelder også for fjernmøter.

Et møte som skal lukkes etter § 11-5 andre ledd, kan ikke holdes som fjernmøte.»

Kravet om at «kravet som ellers gjelder for møte, gjeld også for fjernmøte» inneber at reglane som elles gjeld i kommunelova kap. 11 må haldast, noko som blant anna inneber at kravet til møteoffentlegheit og at allmennheita skal ha rett til å følgje møtet. Dette legg igjen til grunn at det må vere tekniske løysningar tilgjengeleg som løyser og tilfredstiller krava når eit fjernmøte skal haldast.

Vurdering

Rådmannen ser ikkje noko grunn til at det ikkje skal opnast opp for at folkevalde organ skal kunne halde fjernmøte der det er nødvendig – uavhengig av situasjonen omkring Covid-19. Dersom heradsstyret ikkje vil gje eit permanent vedtak om dette bør heradsstyre vurdere å gje eit mellombels vedtak fram til 01.07.2021, då med bakgrunn i den usikre situasjonen med Covid-19.

Rådmannen foreslår at heradsstyret vedtek adgang for folkevalde organ til å halde fjernmøte og at dette vert lagt inn i dei ulike utvalsreglementa.

Konklusjon

Saka vert lagt fram for formannskapet og heradsstyret med handsaming og avgjerd.